

圓覺經畧疏之鈔卷第二十三

於八

圭峯蘭若沙門宗寂於大鈔畧出

疏二一釋標名辨相二一意云下正辨行相
無起滅念者以不厭故無滅生死之念以不
欣故無起涅槃之念疏差別性者明非實性

於

熟溫等者舉喻以明類例也意如莊子逍遙
篇齊物篇等各隨他性各得其志何用改張
傷他自然愛僧者僧愛俗者俗樂動者動樂
止者止齋與不齋乃至禪律講說一切如此
作亦不得不作亦得等疏此病下二明病起因

言無修習等者次疏可引便云余時便有二
十五輪三觀之初又云如城四門隨方來者
非止一路又云於諸修行實無有二失彼文
意者迷彼無修之言是乎以淨覺心之意意
令悟此天真本具無修之淨覺以對自己心
行不稱覺者對治令稱又常見覺體無妄而
妄故須無修而修妄既無妄而妄修亦即修
無修既迷此意乃自謂無妄何用更修不覺
無身心中現見身心無憎愛中現行憎愛但
自云我本不出覺城何用從門而入等故成

此任病疏前則下二釋指體結名無記性者不記別為善為惡也七賢者謂伯夷叔齊盧仲夷逸朱張少連柳下惠也四皓者即終南山四皓避秦歸漢綺理夏黃緣生周角經止息妄情疏二一釋標名辨相二一生心下正

諸起滅空靜之性故云得也非即覺性者一則關於靈照二是色滅之空故疏此病下二明病起因從前靜觀等者倣前辨其迷錯之意即可知也經云彼圓覺性非止合者破也疏覺本下二釋指體結名二一破其無觀謂

於

辨行相生心恐非者故不作種種行隨情慮失者故不縱任自在波息水即清明塵盡鏡即朗照未磨未澄照之何益今妄念既未止息何用推察真性功用故云何須別照疏息念等者相從念起息念故相不當情覺此無

例其無止而止而不能無觀而觀於中初四句以例立理夫無而見有有而見無皆是顛倒今且念是無照是有今既迷背二理故總為乖失後四句正例破也破其偏治無而見有不治有而見無有而見無是隱義也疏又

真下二破其存止四句例破既起止皆違何存止而去起次故言下結歸經文正拂存止也若將對前意者拂偏止也所以者何以止若即觀止即非止今既一向是止即知闕觀今拂一向之止故云非也後故前下引證不

應存止經滅除心境疏二一釋標名辨相二一前但下正辨行相釋以身空者文具身心根塵已頻標示故但舉一以例之疏身等者亦等於煩惱身心根塵也疏此病下二明病起因皆云寂滅等者此文甚多此寂觀中輪

輪如此看經即見不待引也迷彼成此者彼是絕待靈心之觀此是滅病由迷彼意故成此病又寂滅斷惑等言是靈心中之絕待故經云無知覺明不依諸礙今但空諸法絕於身心等相堅持空寂豈得意邪故下破云非

矣

三

寂相故非寂者不言不寂但以闕於照故若見寂即照故非寂照即寂故非照非照非寂寂照雙彰即契圓覺餘意亦同上三迷前之意也疏夫覺下二釋指體結名言似者寂滅之言斷煩惱之語全同前觀也理踈者如上

說之經結明中疏二一將前下釋離病清淨
二一直銷文疏然上下二通釋意二一摠標
徵起疏一者下二別釋行相二一皆無觀慧
然觀慧有二一稱體觀照起信中真如三昧
及前三觀中悟淨圓覺以淨覺心是也今四

病中全無此故二觀諸法空有等義今四中
唯滅病云身心畢竟空無所有乍看似法空
義然亦非觀慧但是作此解數謂是達空以
不言了知等故任病中云於生死涅槃無起
滅念亦是說此人心無此意念不言達之舉

要而言四病皆云作如是言正是起計之辭
起計之心名為執見不名觀慧既一一是生
心作意而為非病云何三觀何曾有作如是
言之文諸經勸讚亦何曾有此文故知只由
修時都無觀慧故皆成病如荷澤大師教人

云妄起即覺妄滅覺滅豈不迥然異於四病
邪疏二者下二偏行一行二一明局故皆非
疏若能下二明通故皆是作種種行者初病
中法也任運閑者二中也習起息滅者三四
也常冥覺體者有稱體觀慧也不得取四者

一一遣作如是言之計也休作等者通明離病也疏即上下二釋結定邪正三一正銷經懼落四中等者有人懼落初病不敢興起利益行懼落二病不敢泯絕無寄修無住法懼落三病不敢修無念宗懼落四病不敢觀空

於八

四

斷惑由此遲疑之故不敢決定發願剋志擔心修菩提道既無決志大願即一切不成斯為大大之病疏問為下二問答通疑二一問詳之可解疏答二下二答若縱志別求者有人遇着良師審知有道如前所據真正又離

四病然或因接引乖踈或因其中別有情恨之人不願同住或自然性不相入便不能師事修習方為縱志更有餘事故縱志別求如何別求如次所引文也疏故苦下三引證釋意經辨事師之心疏二一三辨下辨科段但

令親近等者下銷經文其間意旨以行因教教籍明師但逢離過明師必示出塵之行故不別明也疏如善下二正釋文三一釋摠示普賢西遊者即法華經說普賢菩薩在東方寶威德上王佛國遙聞此娑婆世界說法

華經與無量菩薩衆俱到娑婆世界亦是親近供養之意涅槃經說者以彼經迦葉菩薩云善知識是趣菩提者具足因緣是故名為半梵行者爾時佛告迦葉菩薩言我說名為全梵行者法句經者文云善知識者是汝父

外人

五

母養育汝等菩提身故善知識者是汝眼目示導汝等菩提路故初六字後一字喻今略可但具贊之拔汝等離地獄妙藥療治汝等煩惱病利刀割斷汝等諸愛網時雨潤清汝等菩提牙意略取引明燈照破五蓋善友教示正道薪火成

熟涅槃食弓箭能射煩惱賊勇將能破生死軍如來破煩惱至涅槃已上所引疏文略列而用恐人難記持但令取意說也疏從善男此後亦取意引用結一二文今具錄之汝親近此經但今親近供事不就所以以釋之於是子善知識者有如是無量功德是故我今教

等離貧苦日月照曜汝等離黑暗身命護惜汝等無有時鎧仗降伏諸魔得無畏縛繩挽拔汝等離地獄妙藥療治汝等煩惱病利刀割斷汝等諸愛網時雨潤清汝等菩提牙意略取引明燈照破五蓋善友教示正道薪火成

寶明菩薩與諸大衆聞佛說此妙法及善知識甚深法要舉聲號哭淚下如雨悲啼懊惱不能自裁自念我身從曠劫已來為善知識之所守護是故今日值於如來得聞深法如是遇者善知識力非我力能自念我等從本

已來未曾報恩方便親近說是語已重復舉聲等疏失善下二釋別顯相親近者親之與近有四句一親而不近同心意者各住一方二近而不親或工商同行或官司同仕互相憎嫉爭權爭利等三亦親亦近仁慈父母孝

順男女恩愛夫婦道合師資無離別之緣等四不親不近即陌路人等疏百萬障者彼文云若諸菩薩於餘菩薩起一念瞋心者當知是菩薩百萬障門皆悉開故所謂不欲趣菩提障不欲化度衆生障乃至廣說也論語云

於

六

者意勦事師求法者當須虛心求解降志依人而不能勦力自持容易同女子之志疏故勝鬘等者以菩薩化生審知物性柔弱者可以將護以陵之必退剛強者可以折伏縱之犯人文武之道也經云如虛空者虛空與法

同喻甚多餘處多以喻法無生滅周徧含攝或喻佛無心等今但喻心無改易不喻無心謂常須恭敬供養承順顏色記受言教豈得無心乎疏薩埵者此云有情即衆生也疏結因下三釋結益經云方入圓覺者反明若不如

是盡命事師即不得入圓覺也經所治中疏生心作意等者並是四病行相後云即除諸病者亦四病不一故云諸也經觀人中疏七品行慈者瑜伽論說習學慈心之者不可頓成須作方便漸引凡心令慈行成就方得怨

親平等既慈能與樂與樂亦須平等言七品者上中下親三不怨不親下中上怨等也謂遇於上親令與上樂灼然稱可其心謂竭力供事父母甘脆或與妻子兄弟上妙之物其心皆能中親下親如次降殺所奉之物不怨

七

七

不親任運不能與物次中親與上樂雖校一等亦可就之即下親中樂非怨非親下樂得此心熟又令下親與上樂乃至下怨與下樂乃至下怨與下樂更一轉即不怨不親與上樂如次下怨中樂中怨上樂如此漸漸引至

上怨與上樂即能為之便成怨親無二同佛
慈也經科等心觀法者前標妙法結以正觀
似答所依之法其中又離四病此中標不解
脫結以除病似答除去何病其中又令觀法
故不妨除病依法參而用之經發心深廣疏

二一五顯下會科段答第五者前四皆前後
挾帶然而答之令義勢相涉意思連續唯此
一向答發心也二正解文經標發心中云
作如是言者言亦意也疏因地等者華嚴一
部多明此相就中初發心功德品始末唯顯

此發心行相一校量功德略如文殊章初
菩提心體相功德處引說若無心願者夫願
是擔心剋志情中願樂的欲作如是如是之
事情發於中而形於言表見今時淺識之流
但以言辭及紙上文字而發願都不反驗自

意如何故言心願也策引者策勸引導天台
令憶本初發心者是願力也行不成者夫願
者主心行者是迹所作之行若無宗趣名為
率爾之心無記之性寧契菩提況無願力則
心勇即進心倦即退何能始終不易剋獲勝

果乎經別明心相疏二一二別下釋科文同
金剛者如次下所引若約天親所判是答云
何住問令住四心也若約無著所判十八住
中即當第一初發心住今此還當發心之文
彌勒頌者本因無著菩薩入日光定上昇兜

於

八

率請問彌勒菩薩金剛經義彌勒為說八十
行頌以釋一卷經文無著傳於天親天親造
長行三卷以釋此頌故疏引本頌半偈列四
心矣後半云利益深心住此乘功德滿利益
心是普度證果義深心是稱理無度無證無

始終義住字正答所問故前大科潛用此意
云顯發心深廣廣是普益深字又同四中一
廣大心者三界普度故二第一心者令得最
上極果故三常心者衆生本寂常住不變無
始終故四不顛倒心者無能度我相無所度

衆生相故若有我人等相即非菩薩二正釋
經廣大第一中疏四生者胎卵濕化也已如
彌勒章釋九類者四上更加五也若有色五
即是四相
若有無色
六也
是四空
若有相及無所有處
七也
除無想天
想
有
若無想
八也
是四空
功德施論
云就四空中有
想
無想
無所有處

若非有想非無想九也
有頂天則跋無餘涅槃者
非四涅槃中之第三彼同二乘故乃是無住
大般涅槃也不餘二乘菩薩變易生死及諸
細障故云無餘故法華云若得作佛時具三
十二相爾時乃可謂永盡滅無餘涅槃者秦

於

九

譯為滅度故次經云而滅度之若以新翻即
云圓寂廣如前涅槃章說虛空衆生等者通
顯發心行相故華嚴十種行願一一結云虛
空界盡衆生界盡衆生業盡衆生煩惱盡我
禮乃盡彼第一是禮佛行願也餘稱讚以虛

空界乃至煩惱無有盡故我此禮敬無有窮
盡念念相續無有間斷身語意業無有疲厭
故此云虛空衆生無有邊際等衆生之言含
於業煩惱也悲願亦復如然者正同彼云我
此等也由發此願等者若以即時之心猶是
宿習之性豈肯忘已濟他但心心策發以此
願境而為觀智熏習日久自然成性乃至得
證菩提無心而化其化大焉經常不顛倒中
疏我入覺者必不別有覺為可入也如前四
相章初所說亦如前湯銷冰喻我既如此衆

生亦然故天親論具云菩薩取一切衆生猶如我身自身滅度無異衆生滅度如是取衆生如我身常不捨離是名常心利益據此即知自他平等方是常心常心者無始已來本無我及衆生等相但是圓覺無增減無始終

無生可度無真可證本来如此方為常心經云除彼等者然自及他約虛妄之想者各具我人衆生壽者等四今就文勢語便且以我為能度以衆生配當所度不妨所度衆生亦自有我能度之我亦有衆生詳之可見矣疏

故天親等者遠離是智依止已下是所離障於中依止是惱餘則是別謂身見是我相即能度也衆生是他即所度也故結云等相無著云者已斷我見等是離我想故信解下是離衆生想惱是彼經下指配彼此文同其不

梵

顛倒心彼經反明此經順顯詳文可知經偈諷中疏長行達已同凡者文云了知身心畢竟平等與諸衆生同體無異如是修行方入圓覺敎師如佛者前約達理此約起行又達已同凡喪其我慢仰師如佛增其恭敬敵體

相對以成至行若普觀衆生而恭敬及一切普化自他相對應有四句一約理觀他是佛約情觀已是凡以成恭敬之行二約情計觀他是凡愚苦身約悟解知我同佛智可救以成大悲之行三俱約事相觀佛勝已以增自

利之行觀衆生劣我以增利他之行四俱約理性以成無我平等究竟解行疏但諷能治者長行即先叙所治由有無始憎愛種子故未解脫也犯戒因者前彌勒章中叙惡業云境皆愛心而生憎嫉造種種業生鬼獄故四

相文初亦從憎愛展轉乃至業流轉等不能繫引違戒德者戒是波羅提木義此云別解脫故遺教經云戒是順解脫故能治敵體相反故成治義上来依師離病文竟

於

土

圓覺經略疏之鈔卷第二十三

永樂北藏

圓覺經略疏之鈔

第一八七冊